



Broj: 01/1-50-1-1-96/10
Sarajevo, 1.4. 2010. godine

Z A P I S N I K

96. sjednice Ustavnopravne komisije

Sjednica je održana 1. 4. 2010., s početkom u 10 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Lazar Prodanović, Halid Genjac, Martin Raguž i Momčilo Novaković.

Članovi Komisije Drago Kalabić i Ekrem Ajanović nisu prisustvovali sjednici.

Osim članova Komisije, sjednici su prisustvovali predstavnici: Ministarstva pravde BiH Fazila Musić i Bojan Ninković, OHR-a Jelena Despot i Nada Zukić, OSCE-a Adnan Habul, USAID-a Nedim Hogić, Instituta za intelektualno vlasništvo BiH Lidija Vignjević, poslanik Remzija Kadrić, iz Zakonodavno-pravnog sektora PSBiH Aida Kreho te iz Sektora za odnose s javnošću PSBiH Zoran Brkić. Sjednici su prisustvovali i sekretar Komisije Igor Bajić i savjetnik Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje Zapisnika 95. sjednice Ustavnopravne komisije, održane 19. 3. 2010.;
2. Prijedlog zakona o izmjenama i dopunama Zakona o finansiranju političkih stranaka, broj: 01-02-4-25/10, od 24.3.2010., predlažaći: Milorad Živković, Niko Lozančić i Šefik Džaferović (**usklađenost sa Ustavom i pravnim sistemom Bosne i Hercegovine u skladu s članom 103. Poslovnika Doma**);
3. Prijedlog zakona o zaštiti oznaka geografskog porijekla, broj: 01, 02 – 02 – 3 - 18/10, od 3. 2. 2010. predlažać: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
4. Prijedlog zakona o zaštiti topografije integriranog kola, broj: 01,02 – 02 – 2 - 16/10, od 3. 2. 2010., predlažać: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
5. Prijedlog zakona o industrijskom dizajnu, broj: 01,02 – 02 – 2 - 15/10, od 3. 2. 2010., predlažać: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
6. Prijedlog zakona o žigu, broj: 01,02 – 02 – 5 - 14/10, od 3. 2. 2010., predlažać: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
7. Prijedlog zakona o patentu, broj: 01,02 – 02 – 2 - 17/10, od 3. 2. 2010., predlažać Vijeće ministara BiH (**postupak u nadležnoj komisiji u skladu s članom 110. Poslovnika Doma**);
8. Prijedlog zakona o izmjenama i dopunama Izbornog zakona Bosne i Hercegovine, broj: 01-02 – 9 - 20/10, od 10. 2. 2010., predlažaći: Milorad Živković, Niko Lozančić i Šefik Džaferović (**postupak u nadležnoj komisiji – amandmanska faza, u skladu s članom 110. Poslovnika Doma**);
9. Prijedlog zakona o primjeni rezultata analize dezoksiribonukleinske kiseline u sudskim postupcima, broj: 01,02 – 02 – 5 - 9/10, od 25. 1. 2010., predlažać: Vijeće ministara BiH (**postupak u nadležnoj komisiji – amandmanska faza, u skladu s članom 110. Poslovnika Doma**);
10. Prijedlog zakona o izmjenama i dopunama Zakona o radu u institucijama Bosne i Hercegovine, predlažać: Vijeće ministara BiH, broj: 01,02-02-7-11/10, od 28.1.2010. (**postupak u nadležnoj komisiji – amandmanska faza, u skladu s članom 110. Poslovnika Doma**);

11. Prijedlog zakona o praznicima Bosne i Hercegovine, broj: 01 – 02 – 9 - 13/10, od 2. 2. 2010., predlagač: poslanik Denis Bećirović (**postupak u nadležnoj komisiji- amandmanska faza, u skladu sa članom 110. Poslovnika Doma**);
12. Prijedlog strategije razvoja sporta u BiH, broj: 01,02-35-372/10, od 24.2.2010. ,predlagač: Vijeće ministara BiH (**donošenje odluke i upućivanje javnog poziva o organiziranju javne rasprave u skladu s članom 41. stav (2) Poslovnika Doma**);
13. Ostala pitanja:
 - Izvještaj o radu Vijeća ministara Bosne i Hercegovine za 2009. godinu, broj:01,02-50-3-360/10, od 22.2.2010. (**razmatranje zahtjeva u skladu s članom 137. stav (4) Poslovnika Doma**);
 - Zahtjev za autentično tumačenje odredbi člana 2. stav (1) i člana 9. stav (6) Zakona o Agenciji za osiguranje u BiH („Službeni glasnik BiH“, broj 24/05), podnosilac: Agencija za osiguranje u BiH broj:01,02-50-2-1413/09, od 21.12.2009., s mišljenjem Vijeća ministara BiH 05-02-1- 372-35/10/ 12.2.2010. (**razmatranje zahtjeva u skladu s članom 137. stav (4) Poslovnika Doma**);
 - Zahtjev za autentično tumačenje člana 10. stav (5) tačka c) Zakona o poštama Bosne i Hercegovine („Službeni glasnik BiH“, broj 33/05), podnosilac: Agencija za poštanski saobraćaj Bosne i Hercegovine, broj:01,02-50-2-1394/09, od 15.12.2009., s mišljenjem Vijeća ministara BiH 05-02-4097/09, od 25.2.2010. (**razmatranje zahtjeva u skladu sa članom 137. stav (4) Poslovnika Doma**);
 - Dopis Vijeća nacionalnih manjina Bosne i Hercegovine, od 17.3.2010.

Ad.1. Usvajanje Zapisnika 95. sjednice Ustavnopravne komisije, održane 19. 3. 2010.

Ustavnopravna komisija je bez rasprave, jednoglasno, usvojila Zapisnik 95. sjednice.

Ad.2. Prijedlog zakona o izmjenama i dopunama Zakona o finansiranju političkih stranaka, broj: 01-02-4-25/10, od 24.3.2010., predlagači: Milorad Živković, Niko Lozančić i Šefik Džaferović (usklađenost sa Ustavom i pravnim sistemom Bosne i Hercegovine u skladu s članom 103. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.3. Prijedlog zakona o zaštiti oznaka geografskog porijekla, broj: 01, 02 – 02 – 3 - 18/10, od 3. 2. 2010., predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Predsjedavajući je otvorio raspravu u kojoj su učestvovali predstavnici Instituta za intelektualno vlasništvo Lidiya Vignjević i član Komisije Velimir Jukić.

Na Prijedlog zakona ukupno su podnesena četiri amandmana. Amandmane je podnio poslanik Velimir Jukić.

Nakon rasprave, Komisija je jednoglasno prihvatila amandmane koji glase:

Amandman I.

U Prijedlogu zakona o zaštiti oznaka geografskog porijekla u članu 78. stav (6) mijenja se i glasi:

„(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno.“

Amandman II.

U članu 85. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman III.

Iza člana 91. dodaje se novi član 92. i glasi:

„Član 92.

(Jedinstvena primjena odredbi o Komisiji za žalbe u Zakonu o patentu, Zakonu o žigu i Zakonu o industrijskom dizajnu)

Odredbe čl. 69. i 70. ovog zakona i odgovarajuće odredbe Zakona o patentu, Zakona o žigu i Zakona o industrijskom dizajnu, kojima se uređuje Komisija za žalbe Instituta, primjenjuju se na način da se formira jedna komisija za žalbe.“

Amandman IV.

Dodavanjem novog člana 92. sadašnjii član 92. postaje član 93.

Nakon rasprave, Ustavnopravna komisija jednoglasno je:

- prihvatila tekst Prijedloga zakona o zaštiti oznaka geografskog porijekla sa usvojenim amandmanima i predlaže Predstavničkom domu njegovo usvajanje;
- odlučila da se, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajući Komisije Šefik Džaferović.

Ad.4. Prijedlog zakona o zaštiti topografije integriranog kola, broj: 01,02 – 02 – 2 - 16/10, od 3. 2. 2010., predlađač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Na Prijedlog zakona nisu podneseni amandmani.

Nakon rasprave, Ustavnopravna komisija jednoglasno je:

- prihvatila tekst Prijedloga zakona o zaštiti topografije integriranog kola i predlaže Predstavničkom domu njegovo usvajanje;
- odlučila da se, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajući Komisije Šefik Džaferović.

Ad.5. Prijedlog zakona o industrijskom dizajnu, broj: 01,02 – 02 – 2 - 15/10, od 3. 2. 2010., predlađač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Predsjedavajući je otvorio raspravu u kojoj su učestvovali predstavnica Instituta za intelektualno vlasništvo Lidiya Vignjević, poslanik Remzija Kadrić i član Komisije Velimir Jukić.

Na Prijedlog zakona podneseno je ukupno osam amandmana. Amandmane su podnijeli poslanici Velimir Jukić i Remzija Kadrić.

Poslanik Remzija Kadrić odustao je od amandmana I. i IV.

Nakon rasprave, Komisija je jednoglasno usvojila amandmane koji glase:

Amandman I.

U Prijedlogu zakona o industrijskom dizajnu u članu 86. stav (6) mijenja se i glasi:

„(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno.”

Amandman II.

U članu 96. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman III.

Iza člana 102. dodaje se novi član 103. i glasi:

„Član 103.

(Jedinstvena primjena odredbi o Komisiji za žalbe u Zakonu o patentu, Zakonu o zaštiti oznaka geografskog porijekla i Zakonu o žigu)

Odredbe čl. 77. i 78. ovog zakona i odgovarajuće odredbe Zakona o patentu, Zakona o zaštiti oznaka geografskog porijekla i Zakona o žigu, kojima se uređuje Komisija za žalbe Instituta, primjenjuju se na način da se formira jedna komisija za žalbe.”

Amandman IV.

Dosadašnji član 103. postaje član 104.

Amandman V.

U članu 16. stav (2) briše se.

Ustavnopravna komisija je, s pet glasova „za“, bez glasova „protiv“ i jednim glasom „suzdržan“, usvojila amandman VI. koji glasi:

Amandman VI.

U članu 73. Prijedloga zakona u stavu (8) riječi : “uz plaćanje takse i plaćanje postupka.” brišu se.

U istom članu stav (9) briše se.

U istom članu stav (12) mijenja se i glasi:

“(12) Rješenje o proglašenju rješenja o priznanju industrijskog dizajna ništavnim koje je konačno u upravnom postupku Institut će objaviti u službenom glasilu. U slučaju da je pokrenut upravni spor, Sud može na prijedlog tužioca donijeti rješenje da se konačno rješenje ne objavljuje do odluke u upravnom sporu.”

Ustavnopravna komisija jednoglasno je:

- prihvatila tekst Prijedloga zakona o industrijskom dizajnu sa usvojenim amandmanima i predlaže Predstavničkom domu njegovo usvajanje;
- odlučila da se, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajući Komisije Šefik Džaferović.

Ad.6. Prijedlog zakona o žigu, broj: 01,02 – 02 – 5 - 14/10, od 3. 2. 2010., predlađač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Na Prijedlog zakona podnesena su ukupno četiri amandmana. Amandmane je podnio poslanik Velimir Jukić.

Nakon rasprave, Komisija je jednoglasno usvojila amandmane koji glase:

Amandman I.

U Prijedlogu zakona o žigu u članu 87. stav (6) mijenja se i glasi:

"(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno."

Amandman II.

U članu 97. stav (1) mijenja se i glasi:

"(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi."

Amandman III.

Iza člana 103. dodaje se novi član 104. koji glasi:

"Član 104.

(Jedinstvena primjena odredbi o Komisiji za žalbe u Zakonu o patentu, Zakonu o zaštiti oznaka geografskog porijekla i Zakonu o industrijskom dizajnu)

Odredbe čl. 78. i 79. ovog zakona i odgovarajuće odredbe Zakona o patentu, Zakona o zaštiti oznaka geografskog porijekla i Zakona o industrijskom dizajnu, kojima se uređuje Komisija za žalbe Instituta, primjenjuju se na način da se formira jedna komisija za žalbe."

Amandman IV.

Dodavanjem novog člana 104. sadašnji član 104. postaje član 105.

Nakon rasprave, Ustavnopravna komisija jednoglasno je:

- prihvatila tekst Prijedloga zakona o žigu sa usvojenim amandmanima i predlaže Predstavničkom domu njegovo usvajanje;
- odlučila da se, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajući Komisije Šefik Džaferović.

Ad.7. Prijedlog zakona o patentu, broj: 01,02 – 02 – 2 - 17/10, od 3. 2. 2010., predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Na Prijedlog zakona podneseno je ukupno osam amandmana. Amandmane su podnijeli poslanici Velimir Jukić i Remzija Kadrić.

Poslanik Remzija Kadrić je odustao od amandmana II.

Nakon rasprave, Komisija je jednoglasno usvojila amandmane koji glase:

Amandman I.

U Prijedlogu zakona o patentu u članu 107. stav (8) mijenja se i glasi:

„(8) U postupku za izricanje privremene mjere primjenjuju se odredbe zakona o parničnom postupku, ako ovim zakonom nije drugačije određeno. Postupak u vezi sa izricanjem privremene mjere je hitan.“

Amandman II.

U članu 108. stav (5) mijenja se i glasi:

„(5) U postupku osiguranja dokaza, prema odredbama ovog člana, primjenjuju se odredbe zakona o parničnom postupku, a koje se odnose na sudske mjere osiguranja, osim ako je ovim zakonom drugačije određeno. Postupak osiguranja dokaza je hitan.“

Amandman III.

U članu 116. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman IV.

U članu 118. stav (2) mijenja se i glasi:

„(2) Prijave patenata koje su Institutu podnesene prije 27. februara 2002., a po kojima postupak nije okončan, bit će odbijene, odnosno odbačene u dijelu u kojem se zahtijeva zaštita materija ili smjesa u liječenju ljudi ili životinja. Upotreba materija ili smjesa za proizvodnju lijeka za ljude ili životinje ne predstavlja povredu patenta za izum te materije ili smjese ako je prijava za priznanje patenta za taj pronalazak podnesena do 27. februara 2002. godine.“

Amandman V.

Iza člana 122. dodaje se novi član 123. koji glasi:

"Član 123.

(Jedinstvena primjena odredbi o Komisiji za žalbe u Zakonu o žigu, Zakonu o industrijskom dizajnu i Zakonu o oznakama geografskog porijekla)

Odredbe čl. 99. i 100. ovog zakona i odgovarajuće odredbe Zakona o žigu, Zakona o industrijskom dizajnu i Zakona o oznakama geografskog porijekla kojima se uređuje Komisija za žalbe Instituta, primjenjuju se na način da se formira jedna komisija za žalbe."

Amandman VI.

Dodavanjem novog člana 123. sadašnji član 123. postaje član 124.

Amandman VII.

U članu 32. stav (8) mijenja se i glasi: „Ako podnosilac ne postupi po pozivu Instituta iz člana 6. ovog Zakona, prijava patenta kojoj je utvrđen datum podnošenja smatrat će se povučenom o čemu se donosi poseban zaključak o obustavi postupka.“

Nakon rasprave, Ustavnopravna komisija jednoglasno je:

- prihvatila tekst Prijedloga zakona o patentu sa usvojenim amandmanima i predlaže Predstavničkom domu njegovo usvajanje;
- odlučila da se, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajući Komisije Šefik Džaferović.

Ad.8. Prijedlog zakona o izmjenama i dopunama Izbornog zakona Bosne i Hercegovine, broj: 01-02 – 9 - 20/10, od 10. 2. 2010., predlažači: Milorad Živković, Niko Lozančić i Šefik Džaferović (postupak u nadležnoj komisiji – amandmanska faza, u skladu s članom 110. Poslovnika Doma)

Na Prijedlog zakona uloženo je 16 amandmana koje su podnijeli poslanici Branko Dokić, Momčilo Novaković, Vinko Zorić, Halid Genjac i Velimir Jukić.

Poslanik Momčilo Novaković odustao je od amandmana I. i II.

Komisija, s dva glasa „za“, dva glasa „protiv“ i tri glasa „suzdržan“ nije prihvatila amandman I. poslanika Velimira Jukića.

Komisija, s dva glasa „za“, tri glasa „protiv“ i dva glasa „suzdržan“ nije prihvatila amandman I. poslanika Vinka Zorića.

Komisija, s dva glasa „za“, tri glasa „protiv“ i dva glasa „suzdržan“ nije prihvatila amandman II. poslanika Vinka Zorića.

Komisija, bez glasova „za“, sa dva glasa „protiv“ i četiri glasa „suzdržan“ nije prihvatila amandman IV. poslanika Vinka Zorića.

Komisija, bez glasova „za“, sa tri glasa „protiv“ i tri glasa „suzdržan“ nije prihvatila amandman V. poslanika Vinka Zorića.

Nakon rasprave, Komisija je, s pet glasova „za“, bez glasova „protiv“ i jednim glasom „suzdržan“, prihvatila amandman I. koji glasi:

Amandman I.

Član 32., koji glasi: „U članu 16.14. u stavu 5. riječi: „30 minuta“ zamjenjuju se riječima: 60 minuta.“ briše se.

Komisija je, s dva glasa „za“, bez glasova „protiv“ i četiri glasa „suzdržan“, prihvatila amandman II. koji glasi:

Amandman II.

Član 33., koji glasi: „U članu 16.15. u stavu 1. riječi: „u trajanju od najviše 60 minuta sedmično“ brišu se.

Komisija je jednoglasno prihvatila Amandman III. koji glasi:

Amandman III.

U članu 12. Prijedloga zakona stav 1., koji se odnosi na izmjenu stava 3. u članu 2.19 Zakona, briše se.

Komisija je, s četiri glasa „za“, jednim glasom „protiv“ i jednim glasom „suzdržan“, prihvatila Amandman IV. koji glasi:

Amandman IV.

U članu 13. Prijedloga zakona, stav 2. koji se odnosi na uvođenje novog stava 10. u članu 3.15 Zakona, briše se.

Komisija je jednoglasno prihvatila Amandman V. koji glasi:

Amandman V.

U članu 35. Prijedloga zakona, u prvom stavu, iza riječi „... i javnim površinama“ dodaju se riječi „osim na mjestima predviđenim za plakatiranje i oglašavanje“.

Komisija je, sa pet glasova „za“, jednim glasom „protiv“ i bez glasova „suzdržan“, prihvatila Amandman VI. koji glasi:

Amandman VI.

U članu 10. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 2. koji glasi:

„2. U istom članu i u istom stavu dodaje se nova rečenica koja glasi:

„Sastav izborne komisije će, u pravilu, odražavati ravnopravnu zastupljenost spolova.“

Komisija je jednoglasno prihvatila Amandman VII. koji glasi:

Amandman VII.

U članu 27. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 1. koji glasi:

„1. U članu 7.2 u istom stavu dodaje se nova rečenica koja glasi:

„Centralna izborna komisija zabranit će isticanje, štampanje i rasturanje oglasa, plakata, postera i drugih materijala, koji se koriste u svrhu izborne kampanje političkih stranaka, koalicija, listi nezavisnih kandidata ili nezavisnih kandidata, na kojima se žene ili muškarci predstavljaju na stereotipan i uvredljiv ili ponižavajući način i naložiti političkoj stranci, koaliciji, listi nezavisnih kandidata ili nezavisnom kandidatu da postavljene materijale ukloni. Odluka Centralne izborne komisije je konačna u upravnom postupku, ali se protiv nje može pokrenuti upravni spor.“.

Komisija je jednoglasno prihvatila Amandman VIII. koji glasi:

Amandman VIII.

U članu 32. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 1. koji glasi:

„U članu 16.14 u stavu 3. dodaje se nova rečenica koja glasi:

„Zabranjeno je vođenje izborne kampanje putem elektronskih i printanih medija koja je stereotipnog i uvredljivog sadržaja u odnosu na muškarce i/ili žene ili koja podstiče stereotipno i uvredljivo ponašanje na osnovu spola ili ponižavajući odnos prema pripadnicima različitih spolova.“

Dosadašnji stav 1. člana 32. Prijedloga zakona o izmjenama i dopunama Izbornog zakona Bosne i Hercegovine postaje stav 2.

Nakon rasprave, Ustavnopravna komisija jednoglasno je:

- prihvatila tekst Prijedloga zakona o izmjenama i dopunama Izbornog zakona Bosne i Hercegovine sa usvojenim amandmanima i predlaže Predstavničkom domu njegovo usvajanje;
- odlučila da se, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajući Komisije Šefik Džaferović.

Ad.9. Prijedlog zakona o primjeni rezultata analize deokiribonukleinske kiseline u sudskim postupcima, broj: 01,02 – 02 – 5 - 9/10, od 25. 1. 2010., predlađač: Vijeće ministara BiH (postupak u nadležnoj komisiji – amandmanska faza, u skladu s članom 110. Poslovnika Doma)

Komisija je jednoglasno odlučila da se ova tačka dnevnog reda razmatra na sljedećoj sjednici Komisije.

Ad.10. Prijedlog zakona o izmjenama i dopunama Zakona o radu u institucijama BiH, predlađač: Vijeće ministara BiH, broj: 01,02-02-7-11/10, od 28.1.2010. (postupak u nadležnoj komisiji – amandmanska faza, u skladu s članom 110. Poslovnika Doma)

Nakon rasprave, Ustavnopravna komisija jednoglasno je odlučila da od Kolegija Predstavničkog doma zatraži produženje roka za dostavljanje izvještaja o navedenom prijedlogu zakona za 15 dana.

Ustavnopravna komisija zatražila je od Ministarstva pravde BiH koje je pripremalo prijedlog zakona da, u roku od sedam dana, članovima Komisije dostavi izjašnjenje o svakom od 28 podnesenih amandmana na ovaj prijedlog zakona.

Ad.11. Prijedlog zakona o praznicima Bosne i Hercegovine, broj: 01 – 02 – 9 - 13/10, od 2. 2. 2010., predlađač: poslanik Denis Bećirović (postupak u nadležnoj komisiji- amandmanska faza, u skladu sa članom 110. Poslovnika Doma)

Komisija je jednoglasno odlučila da se ova tačka dnevnog reda razmatra na sljedećoj sjednici Komisije.

Ad.12. Prijedlog strategije razvoja sporta u BiH, broj: 01,02-35-372/10 od 24.2.2010. predlađač: Vijeće ministara BiH (donošenje odluke i upućivanje javnog poziva o organiziranju javne rasprave u skladu s članom 41. stav (2) Poslovnika Doma)

Ustavnopravna komisija je nakon rasprave odlučila:

- da se javna rasprava o predloženoj strategiji, u skladu sa zaključkom Doma, održi 19. 4. 2010., u zgradi Parlamentarne skupštine BiH, Plava sala, IV. sprat, s početkom u 10 sati;
- da se na raspravu pozovu predstavnici Vijeća ministara BiH, Ministarstva civilnih poslova BiH, svi članovi podgrupe za izradu Strategije, predstavnici: Ministarstva kulture i sporta Federacije BiH, Ministarstva za porodicu, omladinu i sport Republike Srpske, Ministarstva obrazovanja, nauke, kulture i sporta Unsko-sanskog kantona, Ministarstva prosvjete, znanosti, kulture i sporta Posavskog kantona, Ministarstva obrazovanja, nauke, kulture i sporta Tuzlanskog kantona, Ministarstva obrazovanja, nauke, kulture i sporta Zeničko-dobojskog kantona, Ministarstva obrazovanja, nauke, kulture i sporta Bosansko-podrinjskog kantona, Ministarstva obrazovanja, nauke, kulture i sporta Srednjobosanskog kantona, Ministarstva obrazovanja, nauke, kulture i sporta Hercegovačko-neretvanskog kantona, Ministarstva obrazovanja, nauke, kulture i sporta Zapadnohercegovačkog kantona, Ministarstva kulture i sporta Kantona Sarajevo, te Ministarstva obrazovanja, nauke, kulture i sporta Kantona 10;
- da se, posredstvom medija, na javnu raspravu pozovu sportske organizacije, klubovi, udruženja, savezi i sva lica koja imaju opravdan interes za učešće u javnoj raspravi o ovom značajnom dokumentu za razvoj sporta u Bosni i Hercegovini.

Ad.13. Ostala pitanja:

- **Izvještaj o radu Vijeća ministara BiH za 2009. broj:01,02-50-3-360/10, od 22.2.2010. (razmatranje zahtjeva u skladu sa članom 137. stav (4) Poslovnika Doma)**

Ustavnopravna komisija razmatrala je Izvještaj o radu Vijeća ministara BiH koji je dostavljen na osnovu člana 34. Zakona o Vijeću ministara Bosne i Hercegovine („Službeni glasnik BiH”, br. 30/03 i 81/06, 71/07,94/07 i 24/08).

Komisija je jednoglasno odlučila da Izvještaj o radu Vijeća ministara BiH za 2009. godinu uputi Predstavničkom domu na daljnje odlučivanje.

- **Zahtjev za autentično tumačenje odredbi člana 2. stav (1) i člana 9. stav (6) Zakona o Agenciji za osiguranje u Bosni i Hercegovini („Službeni glasnik BiH“, broj 24/05), podnosilac: Agencija za osiguranje u BiH, broj:01,02-50-2-1413/09, od 21.12.2009., s mišljenjem Vijeća ministara BiH 05-02-1- 372-35/10, 12.2.2010. (razmatranje zahtjeva u skladu s članom 137. stav (4) Poslovnika Doma)**

Predsjedavajući je otvorio raspravu u kojoj su učestvovali sekretar Komisije i direktor Agencije za osiguranje u BiH Samir Omerhodžić. S obzirom da sjednici Komisije nije prisustvovao niko od predstavnika Vijeća ministara BiH, Komisija je jednoglasno odlučila da se ova tačka skine s dnevnog reda, te da se na sljedeću sjednicu ponovo pozovu predstavnici Vijeća ministara BiH.

- **Zahtjev za autentično tumačenje člana 10. stav (5) tačka c) Zakona o poštama Bosne i Hercegovine („Službeni glasnik BiH“, broj 33/05), podnosilac: Agencija za poštanski saobraćaj BiH broj:01,02-50-2-1394/09, od 15.12.2009., s mišljenjem Vijeća ministara BiH 05-02-4097/09, od 25.2.2010. (razmatranje zahtjeva u skladu s članom 137. stav (4) Poslovnika Doma);**

S obzirom da sjednici Komisije nije prisustvovao niko od predstavnika Vijeća ministara BiH, Komisija je jednoglasno odlučila da se ova tačka skine s dnevnog reda.

- **Dopis Vijeća nacionalnih manjina Bosne i Hercegovine, od 17.3.2010.**

Ustavnopravna komisija razmatrala je dopis Vijeća nacionalnih manjina BiH, broj: 03-50-3-454/10, od 17.3.2010., i jednoglasno odlučila da će, u vezi s dopisom Vijeća nacionalnih manjina BiH o delegiranju Vehida Šehića kao stručnjaka u radu Ustavnopravne komisije Predstavničkog doma, postupati u skladu sa Zakonom o zaštiti prava pripadnika nacionalnih manjina.

Sjednica Komisije završena je u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović